

19. jan.

Til þess að menn geti fengið lán úr landsbankanum gegn fasteignarveði verða menn að fullnægja þeim skilyrðum, er nú skal greina:

a. Láta virða eignina til peninga af 2 óvilhöllum, kunnugum, af sýslumanni útnefndum mönnum. Skal eigninni nákvæmlega lýst í virðingargjörðinni, og þess getið, hver hús sjeu á eigninni, sje það jörð, og hvað þau sjeu virt útaf fyrir sig; einnig skal í henni tekið fram, hvert afgjald sje af jörðinni, og hafi jörðin nýlega gengið kaupum og solum, hvað gefið hafi verið fyrir hana.

Til þess að hús í kaupstöðum öðrum en Reykjavík og verzlunarstöðum sjeu tekin að veði útheimtist, að þau sjeu váttryggð, og þannig, að bankinn annist váttrygginguna fyrir hönd eiganda og lántakanda; ber honum að greiða landsbankanum váttryggingargjaldið fyrirfram ásamt kostnaði skaðlaust og þóknun fyrir. Landsbankinn tekur ekki að sjer að annast váttryggingar á húsum nema þeim, sem váttryggð eru í váttryggingarfjelögum, er hafa umhöðsmann (agent) í Reykjavík. Hús, sem fylgja jörðum, verða ekki sjerstaklega tekin að veði, enda þótt váttryggð sjeu eins og áður segir.

b. Útvega vottorð hlutaðeigandi embættismanns samkvæmt afsals- og veðbrjefabókunum um, hvort nokkur veðskuld eða önnur eignarbönd liggi á eigninni, og hver þau sjeu.

c. Útvega vottorð hlutaðeigandi embættismanns samkvæmt embættisbókum hans um, að hlutaðeigandi hafi þinglesna heimild fyrir fasteigninni, eða sje það ekki unnt, þá vottorð hans um, að eignin sje vitanleg (notorisk) eign hans.

13. gr.

Landsbankinn lánar fje gegn sjálfskuldarábyrgð.

Útaf þessu skal bankastjórninni þjónustusamlega tjáð til þókn-anlegrar leiðbeiningar, að jeg samkv. 8. gr. í lögum 18. sept. 1885 legg hjer-med samþykki mitt á ofangreindar tillögur yðar, og breytast 11., 12. og 13. gr. í reglugjörð bankans 5. júní 1886 samkvæmt því.

Reglugjörð

fyrir kennarakennslu við alþýðu og gagnfræðaskólann í Flensborg.

1. gr.

Kennslan byrjar 1. apríl ár hvert, og stendur til 14. maímánaðar. Auk þess skal tilsögn veitt í uppeldisfræði frá 1. október til 31. mars. ár hvert þeim nemendum úr efri deild skólans, sem óska þess.

2. gr.

Skilyrði fyrir því, að mega njóta kennslunnar frá 1. apríl til 14. maí eru þau, sem hjer segir:

1. Að nemandinn hafi tekið burtfararpróf við gagnfræðaskóla, kvennaskóla búnaðarskóla, eða aðra skóla, er standa skólum þessum jafnfætis, eða

sýni með því að standast próf fyrir kennendum skólans, að hann hafi á annan hátt aflað sjer nauðsynlegrar undirbúningsmenntunar. Þó gildir skilyrði þetta ekki fyrir þá, sem hafa verið kennarar við barnaskóla eða haft á hendi sveitakennslu.

2. að nemendur sjeu fullra 18 ára að aldri, og hafi óspillt mannorð. Yngri nemendur en 18 ára má þó veita móttöku með sjerstöku leyfi stiptsyfirvaldanna.

3. gr.

Kennslugreinir eru þessar:

- A. 1. Uppeldisfræði.
2. Uppeldisiðnaður (Slöjd).
3. Teiknun.
B. Verklegar kennsluæfingar í:
1. Kristindómi
2. Náttúrufræði
3. Landafræði
4. Reikningi
5. Íslenzku (lestri, stafsetning o. s. frv.)
6. Skript.

4. gr.

Við lok kennslunnar ár hvert skal halda opinbert próf með 2 prófdómendum, og skulu við prófið gefnir 2 aðalvitnisburðir, annar fyrir bóklega þekkingu í uppeldisfræði, en hinn fyrir verklega kennslu í þeim námsgreinum, sem ákveðið er að barnaskólakennarar og sveitakennarar veiti tilsoðn í; vitnisburðirnir eru ágætlega, dável, vel, laklega, illa og afarilla, er jafngilda tölunum 6, 5, 4, 3, 2, 1, og má ákveða einkunnirnar fyrir neðan 6 nákvæmar með brotunum $\frac{1}{3}$ og $\frac{2}{3}$.

Þeim lærisveinum, sem standast prófið, skal gefa skriflegt burtfararskírteini, og í því tilgreina einkunnir þær, er þeir hafa fengið. Til þess að standast prófið þurfa nemendur að fá að minnsta kosti aðaleinkunnina vel í hvorri deild þess.

5. gr.

Forstöðumaður Flensborgarskólans skal árlega að afloknu prófi senda stiptsyfirvöldunum skýrslu um kennsluna og próf það, er haldið hefur verið.

Landshöfðinginn yfir Íslandi, Reykjavík 1. febrúar 1892.

Magnús Stephensen.

Hannes Hafstein.

Reikningur

10

yfir tekjur og gjöld gullbrúðkaupslegats Bjarna amtmanns Þorsteinssonar og konu hans Þórunnar Hannesdóttur árið 1891.

Tekjur:

	kr.	a.	kr.	a.
1. Sjóður við ársbyrjun (Stj.tíð. 1891 B. 3. bls.):				
a. óuppsegjanlegum skuldabrfefum	2400	00		
b. í landsbankanum með sparisjóðskjörum	232	73	3132	73
2. Ársvextir:				
a., af ríkisskuldabrfefum til $\frac{11}{6}$ og $\frac{11}{12}$ 91 á $3\frac{1}{2}$ $\frac{0}{100}$	84	00		
b. af fje í landsbankanum til $\frac{31}{12}$ 91	24	60	108	60
Samtals:	3241	33		